



UNIVERSITÄTS-
BIBLIOTHEK
PADERBORN

Semita Perfectionis Purgativa, Illuminativa, Et Unitiva

Dirckinck, Johann

Coloniae Agrippinae, 1705

VD18 15298639

16. Mortificatio vanæ gloriæ.

Nutzungsbedingungen

[urn:nbn:de:hbz:466:1-55242](#)

54 SEMITA PERFECTIONIS.

rum superbia, & concede propitiis thesaurum
humilitatis tuae. S. August. Med. c. i.

III. Quid superbis terra & cinis? Eccli.
10. An nescis, quod sis miser & miserabilis,
& pauper, & cœcus, & nudus?

P A S S U S XVI.

Mortificatio vanæ gloriæ.

T E X T U S .

*Non glorietur sapiens in sapien-
tia sua: & non glorietur for-
tis in fortitudine sua: & non
glorietur dives in divitiis
suis: sed in hoc glorietur, qui
gloriatur, scire & nosse Me.
Jerem. c. 9. 23.*

Cognitio.

*C*Enodoxia, seu vana gloria est inordina-
tus gloriæ appetitus; gloria autem
nihil est aliud, quam clara & bona alio-
rum de nobis notitia seu aestimatio: quæ
si interius subsistit, fama nuncupatur; si
verbis proditur, laus dicitur; si aliis signis

ex-

SEMITA PERFECTIONIS. 55

exterioribus manifestetur, honor appellatur.

Actus vanæ gloriæ.

1. Facta ac dicta sua, plus quam oportet, æstimare.
2. In operibus aut dictis suis sibi complacere.
3. Ut ea ab aliis quoque cognoscantur & æstimentur, desiderare.
4. Ut hæc æstimatio exterius etiam prodatur, & verbis manifestetur, optare.
5. Variis actibus, modisque, hanc aliorum de factis suis æstimationem venari.
6. Etiam verbis propriis eadem deprædicare: & hæc deprædicatio propriè nominatur jactantia.

Consideratio Motivorum.

Quis vanam gloriam non toto corde aversetur & fugiat: si perpendat, quod illa sit I. Furtum, debitum Deo honorem afferens, & sibi illum vendicans. II. Mendacium & stultitia; cum sciens, se esse vermiculum, atomum, nihilum, omni contemptu dignissimum; & nihilominus laudem humanam appetit. III. Venum opera inficiens, & meritum premiumque cælestē adimens. Unde monet Salvator:

C s vator:

36 SEMITA PERFECTIONIS.

vator: Attende, ne iustitiam vestram facias coram hominibus, ut videamini ab his, alioquin mercedem non habebitis apud Parrem vestrum, qui in calo est. Matth. c. 6. Et S. Basilus Const. Monast. c. 10. ait: Inanis gloria est dulcis spiritualium operum exfoliatrix, jucundus animarum hostis, blandissima bonorum nostrorum depradatrix; eademque mellis illitus, fraudis sua colocatrix, & mortiferi hominum mentibus poculi porrectrix. O quis tam cæcus & stolidus, ut hoc veneno, hoc poculo se ingurgitet?

Petitio.

Amove à me, Domine, cœcitatem & stoliditatem istam; ne unquam umbram honoris, veritati; gloriolam brevissimam, gloriæ æternitati anteponam; & præmia sempiterna pro re vilissima vendam; sed divinam gloriam tuam unicè semper intendam. Tibi enim Regi sæculorum immortali & invisibili, soli Deo, honor & gloria.

Aspiraciones.

I. Quid habes, quod non acceperisti? si autem acceperisti, quid gloriaris, quasi non acceperis? 1. Corinth. 4. 7.

II. O insipiens, quid tibi prodest hominum memoria, (sc inanis gloria) si ubi es,

tor-

S E M I T A P E R F E C T I O N I S . 57

torqueris. & ubi non es, laudaris. S. Chrysost. in Matth.

III. Humillime JEsu: hâc gratiâ beari opto animitus ; ut nunquam efficiar in anis gloriæ cupidus.

P A S S U S X V I I .

Mortificatio Avaritiæ.

T E X T U S .

Avaritia nec nominetur in vobis , sicut decet Sanctos.
Ephes. c. 5. 3.

Cognitio.

AVaritia est inordinatus appetitus habendi divitias. Continet autem binas species : prima bonis alienis acquirendis immoderatè inhiat ; secunda bonis propriis, ultra rationis præscriptum incumbit.

Actus.

1. Nimiam de divitiis estimationem concepire.
2. Assiduum divitarum desiderium in pectore fovere.